



INTERNATIONAL UNIVERSITY OF SARAJEVO
INTERNACIONALNI UNIVERZITET U SARAJEVU

Na osnovu člana 106. Zakona o visokom obrazovanju („Službene novine Kantona Sarajevo“, broj: 36/22), i člana 99. Statuta Internacionalnog univerziteta u Sarajevu, broj IUS-SENAT-11-1720/2023, Odluke Senata broj: IUS-SENAT-11-1841/2023 od 27.06.2023. godine, uz prethodnu saglasnost Ministarstva za nauku, visoko obrazovanje i mlade Kantona Sarajevo broj: 27/03-34-32005/23 od 17.07.2023. godine, Internacionalni univerzitet u Sarajevu o b j a v l j u j e

K O N K U R S

za upis studenata u prvu godinu I ciklusa i integrisanog studija na organizacionim jedinicama Internacionalnog univerziteta u Sarajevu u studijskoj 2023/2024. godini

Internationalni univerzitet u Sarajevu (“dalje: IUS”) vrši prijem i upis u prvu godinu prvog ciklusa i integrisanog studija u studijskoj 2023/2024. godini. Upis na IUS vrši se na sljedećim organizacionim jedinicama:

Redni broj	Naziv organizacione jedinice	Broj studenata (redovni samofinansirajući)		
		Državljeni BiH	Strani državljani	Ukupno
1.	Fakultet prirodnih i tehničkih nauka (4 godine 240 ECTS)	330	380	710
	Odsjek prirodnih nauka			
	<i>Genetika i bioinženjering</i>	30	30	60
	<i>Zajednički međunarodni studij iz oblasti bioinženjeringa u saradnji sa Marmara University, Republika Turska</i>	5	5	10
	Odsjek tehničkih nauka			
	<i>Računarske nauke i inženjering</i>	50	70	120
	<i>Elektrotehnika i elektronika</i>	30	30	60
	<i>Mašinstvo</i>	20	30	50
	<i>Arhitektura</i>	60	60	120
	<i>Umjetna inteligencija i inženjering podataka</i>	30	50	80
<i>Softverski inženjering</i>	100	100	200	
	<i>Zajednički međunarodni studij iz oblasti računarske nauke u saradnji sa Marmara University, Republika Turska</i>	5	5	10
2.	Fakultet umjetnosti i društvenih nauka (4 godine 240 ECTS)	175	85	260
	Odsjek umjetnosti			
	<i>Vizualne umjetnosti i dizajn vizualnih komunikacija</i>	90	30	120
	Odsjek društvenih nauka			
	<i>Psihologija</i>	60	40	100
	Odsjek kulturoloških studija			
<i>Engleski jezik i književnost</i>	25	15	40	
3.	Fakultet menadžmenta i javne uprave	150	110	260
	Odsjek političkih nauka i međunarodnih odnosa			
	<i>Potitičke nauke i međunarodni odnosi</i>	30	30	60
	Odsjek ekonomije i menadžmenta			
	<i>Ekonomija</i>	20	20	40
	<i>Menadžment</i>	80	40	120
<i>Međunarodno poslovanje i finansije</i>	20	20	40	

4.	Pravni fakultet (4 godine 240 ECTS)	45	125	170
	<i>Opći smjer</i>	40	120	160
	<i>Zajednički međunarodni studij prava u saradnji sa Marmara University, Republika Turska</i>	5	5	10
5.	Edukacijski fakultet - Intergrisani studij (5 godina 300 ECTS)	35	35	70
	<i>Engleski jezik i književnost - nastavnički smjer</i>	20	20	40
	<i>Turski jezik i književnost - nastavnički smjer</i>	10	10	20
	<i>Zajednički međunarodni studij engleskog jezika i književnosti - nastavnički smjer, u saradnji sa Marmara University, Republika Turska</i>	5	5	10
STUDIJ UČENJA NA DALJINU - DL STUDIJ				
<p><i>U zavisnosti od broja zainteresiranih kandidata, IUS može omogućiti upis u sve programe u status i u fondu sati prilagođenom studentima koji nisu u mogućnosti pohađati redovni studij (studij na daljinu - "DL" - Distance Learning). Upisne kvote za DL studij jednake su kvotama za redovni studij, pri čemu maksimalan broj upisanih studenata (u oba statusa) ne prelazi dvostruki broj u odnosu na kvote prikazane ovim konkursom. Upis/prijelaz u/sa status DL studija vrši se u istom postupku i pod istim uslovima kao kod redovnog studija.</i></p>				

ŠKOLARINA

Odlukom o visini školarine i drugih usluga i troškova na Internacionalnom univerzitetu u Sarajevu utvrđena je visina školarine i drugih usluga na IUS (<https://www.ius.edu.ba/bs/cijene-i-stipendije>). Student može obezbijediti stipendiju u skladu sa statutom i općim aktom Univerziteta. Školarina se plaća u KM preračunata prema srednjem kursu Centralne banke BiH na dan uplate.

Rangiranje se vrši samo ukoliko je broj kandidata koji ispunjavaju formalne uslove za upis veći od predviđenog broja studenata za upis, na način da će prednost imati kandidati koji su prethodno ostvarili pravo na veću stipendiju u skladu sa uslovima iz općeg akta. U slučaju da kandidati ostvaruju istu stipendiju, isti se rangiraju po osnovu ostvarenog uspjeha u prethodnom stepenu obrazovanja.

U slučaju iz prethodnog stava, na formiranje konačne rang liste kandidata i prijem studenata u prvu godinu prvog ciklusa studija utjecat će uspjeh ostvaren tokom srednjoškolskog obrazovanja, iz predmeta i oblasti značajnih za odgovarajući studij. Rangiranje kandidata i razmatranje relevantnih predmeta i oblasti će se izvršiti na način kako slijedi:

- Za upis na Fakultet umjetnosti i društvenih nauka, uzet će se u obzir uspjeh ostvaren iz predmeta iz oblasti umjetnosti i društvenih nauka;
- Za upis na Fakultet menadžmenta i javne uprave, uzet će se u obzir uspjeh ostvaren iz predmeta iz oblasti ekonomskih nauka;
- Za upis na Fakultet prirodnih i tehničkih nauka, uzet će se u obzir uspjeh ostvaren iz predmeta iz oblasti prirodnih i tehničkih nauka;
- Za upis na Pravni fakultet, uzet će se u obzir opći uspjeh ostvaren u srednjoj školi;
- Za upis na Edukacijski fakultet, uzet će se u obzir opći uspjeh ostvaren u srednjoj školi.

ENGLISKI JEZIK

Sva nastava na IUS se realizira na engleskom jeziku.

Kandidati koji apliciraju za upis obavezni su dokazati poznavanje engleskog jezika na jedan od sljedećih načina:

a. Potvrda o ostvarenom odgovarajućem broju bodova na jednom od sljedećih međunarodno priznatih ispita engleskog jezika:

-IBT Internet based TOEFL minimalno 70 bodova (u Turskoj položen samo pri centrima za testiranje u okviru univerziteta)*;

-IELTS - (Academic) minimalno 6.0, položen samo u British Council centru*;

**TOEFL/IELTS rezultati stečeni u bilo kojem drugom centru za testiranje (privatni kursevi jezika i sl.) neće biti uvaženi kao dokaz o poznavanju jezika na IUS-u.*

Po primitku ORIGINALNE bodovne liste sa TOEFL/IELTS, kandidat je istu obavezan lično dostaviti direktoru ELS (zbog uvida i intervjua). Kopija o položenom testu se ne prihvata. Vrijeme trajanja bodovne liste je naznačeno na istoj;

b. diploma o završenoj srednjoj školi, dodiplomskom ili postdiplomskom studiju realizovanom na engleskom jeziku i stečena u državi u kojoj je engleski jezik službeni jezik;

c. dokaz o ostvarenih 60 ECTS studijskih bodova na univerzitetu na kojem je engleski jezik službeni jezik, s tim da od datuma sticanja ECTS bodova i datuma prijave za upis na IUS nije prošlo više od dvije godine (kao dokaz može da se podnese uvjerenje o položenim ispitima ili drugi odgovarajući dokument);

d. diploma jedne od sljedećih srednjih škola:

- AICE diploma: Cambridge Advanced International Certificate of Education;

- IB diploma: International Baccalaureate;

e. dokaz kojim se potvrđuje da je engleski maternji jezik kandidata.

Kandidati koji posjeduju FCE certifikat sa minimalnom ocjenom B2 oslobođeni su polaganja ELS "Placement exam" i mogu direktno pristupiti ELS "Proficiency exam".

Kandidati koji ne prilože niti jedan od navedenih dokaza o poznavanju engleskog jezika (a.-e.) obavezno polažu "Proficiency Exam" (Test osposobljenosti) koji IUS organizuje početkom svake studijske godine.

U slučaju neispunjenja kriterija kojim se utvrđuje posjedovanje neophodnog poznavanja engleskog jezika, kandidat je obavezan prethodno registrirati Školu engleskog jezika na IUS-u, a koja se organizira u skladu sa općim aktom.

Cijena školarine za vrijeme pohađanja engleskog jezika utvrđena je cjenovnikom.

POTREBNI DOKUMENTI ZA UPIS

DRŽAVLIANI BOSNE I HERCEGOVINE

Za prijem i upis u prvu godinu I ciklusa studija, kandidati državljani Bosne i Hercegovine dostavljaju:

1. Aplikacijski formular za upis sa tačno naznačenim fakultetom i studijskim programom na koji se konkuriše (dostupan na www.ius.edu.ba ili u Studentskoj službi);
2. Original i ovjerena kopija diplome o završenoj srednjoj školi;
3. Original i ovjerena kopija svjedočanstva od I do IV razreda srednje škole;
4. Nostrifikacija diplome za kandidate koji su stekli srednjoškolsko obrazovanje izvan Bosne i Hercegovine ili potvrda da je postupak nostrifikacije po njihovom zahtjevu pokrenut. U izuzetnim slučajevima, kandidat se može **uslovno** upisati prije izvršene nostrifikacije odnosno ekvivalencije diplome;
5. Izvod iz matične knjige rođenih;
6. Uvjerenje o državljanstvu;
7. Dvije fotografije veličine 6x4;
8. Ljekarsko uvjerenje;
9. CIPS potvrda o mjestu prebivališta.

STRANI DRŽAVLJANI

Za prijem i upis u I godinu prvog ciklusa studija, kandidati strani državljani dostavljaju:

1. Aplikacijski formular za upis sa tačno naznačenim fakultetom i studijskim programom na koji se konkuriše (dostupan na www.ius.edu.ba ili u Studentskoj službi);
2. Original diplome i svjedočanstava o završenoj srednjoj školi;
3. Rješenje o izvršenoj ekvivalenciji svjedočanstva, za kandidate koji su stekli srednjoškolsko obrazovanje izvan Bosne i Hercegovine ili potvrda da je postupak ekvivalencije pokrenut po zahtjevu kandidata, te da kašnjenje u donošenju odgovarajućeg rješenja nije rezultat propusta koji mu se može staviti na teret. U slučaju dostavljanja potvrde, kandidat se upisuje uslovno, pri čemu preuzima punu odgovornost za blagovremeno pribavljanje rješenja o ekvivalenciji svjedočanstva;
4. Kopija pasoša (sa važenjem najmanje dvije godine);
5. Dvije fotografije veličine 6x4;
6. Ljekarsko uvjerenje (za strane studente koji ne rade dozvolu boravka preko IUS-a).

PRIJAVE I ROKOVI

Prijave sa potrebnom dokumentacijom dostavljaju se lično (svakim radnim danom od 9 do 16 sati) Studentskoj službi ili preporučenom poštom na adresu:

***Internacionalni univerzitet u Sarajevu
Hrasnička cesta 15***

Konkurs ostaje otvoren do **21.09.2023.** godine.

Ukoliko se u prvom upisnom roku ne primi planirani broj kandidata, IUS može produžiti rok za dostavu prijave za upis na Konkurs najkasnije do **02.02.2024.** godine, te objaviti (dopunjenu) konačnu listu upisanih studenata, u kojem slučaju se početak nastavne godine utvrđuje kalendarom organizacije i realizacije nastavnih programa. Pravo prijave u drugom roku imaju svi kandidati koji su konkurisali u prvom upisnom roku, kao i kandidati koji nisu konkurisali ranije.

Rokovi za upis stranih studenata mogu biti dodatno uređeni posebnom odlukom Senata.

Preliminarnu listu svih prijavljenih i primljenih kandidata na fakultete u prvom upisnom roku, IUS će objaviti na oglasnoj ploči nakon što je verificira nadležno tijelo najkasnije dva dana nakon isteka roka za podnošenje prijave na konkurs.

Na objavljenu preliminarnu listu kandidati imaju pravo prigovora u roku od tri dana od dana objave iste.

Konačni spisak upisanih studenata, IUS će objaviti najkasnije sedam dana nakon objavljivanja preliminarne liste.

U roku od sedam dana od dana objave konačne liste, kandidat koji je ostvario pravo na upis je obavezan dostaviti originalne dokumente, u suprotnom smatra se da je odustao od upisa na studijski program za koji je aplicirao. Za svrhu konačnog upisa, primljeni kandidat do okončanja žalbenih rokova potpisuje i ugovor o studiranju i dostavlja popunjen statistički obrazac (ŠV obrazac).

IUS može diskreciono dozvoliti i naknadnu dostavu traženih dokumenata ili originala, ukoliko je isto opravdano ili uvjetovano posebnim okolnostima, a koje se cijene u svakom konkretnom slučaju (međunarodni programi koji izdaju certifikate sa kasnijim datumom, zajednički programi koje organizuje IUS sa partnerskim univerzitetima, ratne okolnosti i sl.)

Pravo na upis određenim kategorijama stranih studenata može se diskreciono uskratiti u slučaju procjene neopravdanosti davanja garancija za boravak po osnovu obrazovanja u Bosni i Hercegovini.

Ukoliko se na određeni studijski program ili model studija ne prijavi dovoljan broj kandidata, IUS zadržava pravo da ne pokreće predmetni studijski program ili model studija u 2023/2024. studijskoj godini.

U slučaju da na neki od studijskih programa IUS ne upiše planirani broj studenata državljana BiH, IUS zadržava pravo da u okviru ukupne kvote za taj studijski program upiše dodatni broj stranih studenata, i obrnuto.

Sve dodatne informacije zainteresovani kandidati mogu dobiti na broj telefona: 033 957 175 ili e-mail adresi: info@ius.edu.ba.

Neotpune i neblagovremene prijave neće se uzimati u razmatranje.

REKTOR

Prof. dr Ahmet YILDIRIM